

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 970990 22 I
Sarajevo , 02.12.2024. godine

OPĆINSKI SUD U SARAJEVU, sudija Aleksandra Kolašinac, u izvršnom postupku tražioca izvršenja M.U., zastupan po punomoćniku Draganu Kramaru advokatu iz Ilidže, protiv izvršenika Z.Đ. iz Ilidže, kojeg zastupa punomoćnica Nada Filipović, advokat iz Ilidže, ul. Osik br. 27, radi Izvršenje na nepokretnostima, v.sp. 13.697,20 KM, dana 02.12.2024. godine, donosi slijedeći

ZAKLJUČAK

1. ODREĐUJE SE ročište za prvu javnu prodaju na dan SRIJEDA, 12.02.2025.godine sa početkom u 09,30 sati, i to;

Nekretnina upisanih u

-zemljišnoknjižni uložak broj 4749 K.O. SP_DONJI BUTMIR, k.č. broj 1597/3, u naravi Bostan; ORANICA, površine 867 m² i k.č. broj 1597/14, u naravi Bostan, ŠUMA, površine 764 m²

sve vlasništvo izvršenika ĐURIĆ (SAVKO) ZORAN, sa dijelom 1/1

Javno nadmetanje održat će se u prostorijama Općinskog suda u Sarajevu, soba broj 442/IV – izvršni odjel ovog suda.

2. Konstatuje se da je utvrđena vrijednost nekretnine izvršenika ĐURIĆ (SAVKO) ZORAN, opisanih u tački 1. ovog zaključka procijenjena od strane stalnog sudskog vještaka građevinske struke Ibre Buljubašića iz Sarajeva, na iznos od **456.155,00 KM**, po nalazu vještaka od 17.10.2024.godine.
3. Na prvom ročištu za javno nadmetanje nekretnina se ne može prodati ispod $\frac{1}{2}$ (jedne polovine) utvrđene vrijednosti koja je navedena u tački 2. ovog zaključka.
4. Od polaganja osiguranje oslobođene su osobe utvrđene članom 86. Zakona o izvršnom postupku.
Učesnici javnog nadmetanja su dužni prije početka ročišta položiti osiguranje, na blagajni ovog suda ili depozitni račun ovog suda kod BBI banke dd Sarajevo broj 1411965320009639 u visini od 10% od procijenjene vrijednosti, s tim što ne može iznositi više od 10.000,00 KM, te prije početka nadmetanja sudu predati primjerak uplatnice iz koje je vidljivo da je osiguranje položeno. Ponuđačima čija ponuda nije prihvaćena osim za tri najbolja ponuđača, vratit će se osiguranje odmah nakon zaključivanja javnog nadmetanja.

5. Najbolji ponuđač – kupac je dužan da kupoprodajnu cijenu po kojoj je nekretnina prodana položi sudu u roku od 30 dana, računajući od dana prodaje. Ako kupac u tom roku ne položi cijenu prodaja će se proglasiti nevaljanom i novim zaključkom odrediti da je nepokretnost prodana drugom po redu ponuđaču koji treba po prijemu tog zaključka sudu deponovati prodajnu cijenu u roku od 30 dana. Ukoliko drugi ponuđač ne položi cijenu u ostavljenom roku sud će nekretninu ponuditi trećem ponuđaču pod istim uslovima.
6. Ako kupci u ostavljenim rokovima ne polože prodajnu cijenu, sud će oglasiti da je prodaja neuspjela i odredit će novu prodaju. Ova pravila se primjenjuju i u slučaju odustanka trećeg ponuđača.
7. Poreze i takse u vezi sa prodajom nekretnine snosi kupac ukoliko se stranke drugačije nisu dogovorile.
8. Ovaj zaključak objavit će se na oglasnoj ploči suda.
9. Stranka može o svom trošku objaviti zaključak o prodaji u sredstvima javnog informisanja, odnosno da o zaključku obavijesti lica koja se bave posredovanjem u prodaji nepokretnosti.

SUDIJA

Aleksandra Kolašinac

PRAVNA POUKA: Protiv ovog zaključka ne može se izjaviti žalba ni prigovor.